

Vujsenh Gawjbanh Bi 2014 Cuengh Gun Song Vahsaw Lauxsae Beizyinbanh

武宣县举办 2014 年壮汉双语教师培训班



▲ Siz Caizyij gujjangj gangj goq
《Minzcuz Gyauyuz Lijlun》.



▲ Gyoengq lauxsae nyinhcaen
dingq go.

Dungzlingj Cin dwg Vujsenh Yen aen yanghcin daihngeih hung. Daengx cin miz 13 aen siujyoz, miz 3400 lai boux hagseng. Daj 2013 nienz haggeiz seizcou hwnj, Dungzlingj Cin 13 aen siujyoz, 3 aen gyauyozdenj cienzbouh guh Cuengh Gun song vahsaw sonhag sawqniemh. Seizneix, Vujsenh Yen Dungzlingj Cin daengx cin gak aen hagdangz cungj guh Cuengh Gun song vahsaw sonhag.

Aenvih song vahsaw sonhag mbe'gvangq, Cuengh Gun song vahsaw lauxsae mbouj gaeuq, aen hong beizyin lauxsae bienq ndaej gig gaenj. Bi'gvaq gaenq guh ndei daih'it

geiz Cuengh Gun song vahsaw lauxsae beizyinbanh, bineix 10 nyied 31 hauh, Vujsenh Yen youh haibanh daihngeih geiz Cuengh Gun song vahsaw lauxsae beizyinbanh. Baez beizyin neix son minzcuz gyauyuz lijlun, Sawcuengh gihcuj cihsiz, sonfap Cuengh Gun song vahsaw daengj, yawhdingh daengz bimoq 1 nyied daej son sat. Yienh gyauyuzgiz lingjdauj daengq yijyenz vwnzsw gvanlijiguj Siz Caizyij gujjangj youq gwnz haiban denlij gangjvah. Siz Caizyij doiq beizyinbanh daez le yauhgiuz caeuq maqmuengh. Gaenlaeng, de hawj daihgua hwnj beizyinhbanh dangz goq daih'it,



▲ Beizyinbanh banhcujiyuz Luz Mingdziz (bahswix
boux daih'it)youq gwnz hoih haiban gangjvah.

neiyungz dwg 《Minzcuz Gyauyuz Lijlun》.

Camgya aen beizyinbanh neix miz 28 boux lauxsae, gyoengqde daj daengx cin gak aen siujyoz, gyauyozdenj daeuj, dingzlai lauxsae nienzgeij 40 bi doxhwnj lo, yienznaeuz nienzgeij hung di, hoeng, bouxboux cungj gangjnaeuz aeu nyinhcaen hagsib, ceng'aeu hag gvaq le guh ndaej Cuengh Gun song

vahsaw sonhag.

Geiz beizyinbanh neix youz yienh gyauyuzgiz bued ngaenz daeuj banh, youz yienh Sawcuengh hagdangz baij lauxsae daeuj hwnjdangz, cin cunghsinhayau Sawcuengh fujdaujyenz dang banhcujiyuz.

(Ganh Sozvwz Veiz Gyah-meiz/甘说文 韦家梅 sij Lij Cin Luzmingdziz/李振 陆鸣笛 ingj)

Gvangjsih Sawcuengh Yozyau Banh Vwnzyi Vanjvei Geiq-niemh Minzcuz Gihiyiz Swcifaz Fatbouh Saedhengz 30 Hopbi

广西壮文学校举办纪念民族区域自治法颁布实施 30 周年文艺晚会



▲ Gyoengq hagseng yienj
gofoux Mauznanzcuz——
《Dimgajya Gyaundeiz》.



▲ Gyoengq hagseng haengj-
heiq hoizdap gij cihsiz minzcuz
gihiyiz swcifaz haenx.



Bonjbauq siusik (gicej Mungz Sugij) Aen vanjvei geiqniemh minzcuz gihiyiz swcifaz fatbouh saedhengz 30 hopbi youz Swcigih Minzvej cawjbanh, Gvangjsih Sawcuengh Yozyau, Gvangjsih Minzcuz Cunghdwngj Conhyez Yozyau, Gvangjsih Minzcuz Gauhcungh cwngzbanh haenx 11 nyied 7 hauh youq Vujmingz Yen gawjbanh. Swcigih Minzvej, Swcigih Minzyijvej cujiyuz Luz Yenbenj cienmonz fat saenqdinj hawj yozyau lingjdauj, caensim hoh vwnzyi vanjvei banh ndaej baenz. Luz Yenbenj vixok, guhbaenz aen minzcuz yozyau mienhyiengq daengx gih ciusou hagseng caemhcaiq yiengjsouh minzcuz cwngecz ndeu, gagnyienh guh geiqniemh minzcuz gihiyiz swcifaz tatbouh saedhengz 30 hopbi hozdung, neix dwg gij gidij dijiyenz nyinhcaen hagsib gvancez Cunghyangh caeuq Swcigih minzcuz gunghcoz vei yi cingsaenz, neix youhcaiq cwnghmingz hagdangz lingjdauj banhsuj caeuq lauxsae hagseng cwngeci giendingh maenhndaet, gunghcoz haenqrengz caemhcaiq miz cozveiz, ndigah cigndaej haengjdingh nem byaujyangz.

Daengx aen vanjvei miz foux Myauzcuz, gofoux Veizcuz, Dungcuz, Mauznanzcuz, Bouxcuengh daengj 10 geij aen cezmu, cungj gig miz minzcuz daegsaek, ndaw vanjvei lij guh minzcuz gihiyiz swcifaz cihsiz camdap dem, sawj daengx aen vanjvei nauhyied raixcaix.

Swcigih Minzvej fusinzsiyenz Veiz Cigenh, Swcigih Minzvej, Swcigih Minzyijvej mizgven cusiz bouxlingjdauj nem yozyau lauxsae hagseng daengj 1000 lai vunz yawjngonz le vanjvei.

◀ Doengzdaiz yienj boq venz, danz gimzmbwn, hawj vunz gamjdaengz minzcuz yozgi ak lailai.